

CAL. *Perianthium* monophyllum, longissimum, sesquiuunciale, ante explicationem cylindricum, sursum curvum, striatum, postea ultra medium trifidum, laciniis connatis, apice bidentato, infima lineari reflexa, simplici, apice acuto.

COR. *Petala* quinque, omnia ad latus superius ascendentia, linearia, utrinque acuta, subulata, patula, æqualiter distantia ad latus superius disposita, calyce breviora, eique ad dimidiam partem supra basin inserta.

STAM. *Filamenta* decem, subulata, calyce longiora, apice ascendentia. *Antherae* lineares, compressæ, antice trifurcatæ.

PIST. *Germen* pedunculatum, pedunculo dimidii circ. calycis longitudine, gerente *Germen* vix crassius; levissime compressum. *Stylus* ascendens, filiformis, staminibus $\frac{1}{2}$ longior. *Stigma* obtusum, crassum, oblique incumbens, bifidum.

PER. *Legumen* longissimum, spithamale, pedale, pendulum, planum.

SEM. decem, parva, reniformia, altero latere affixa, glabra.

Color Calycis fuscus, Corollæ & Staminum albus.

144. PLANTA (syngenesista ut videtur) *caule simplice erecto longo, florum capitulis lateralibus foliosis compositis.*

Radix annua.

Caulis erectus, simplex quadri vel quinque-pedalis, tomento laxo tenui pubescens; *ramulis* brevissimis, erectis, axillaribus.

Folia oblongo-lanceolata, acuminata, spinula terminata, superne rugosa, venosa tomento tenuissimo laxo incano. *Petiolis* breves, superne concavi.

Flores aggregati, terminales in capitulo acuto, compositi, fastigiati, lati, juncti foliolis erectis apice patulis. Flore singulo ita composito ex foliolis minoribus, singulo includente flosculum, qui hoc tempore erat exsiccatum; foliolis foras tomentosæ, apice spinula terminali.

SEM. unicum, ovato-oblongum, compressum, parvum, supra angustius, coronatum *pappo* erecto, piloso, brevibus pilis lateralibus brevissimis, erectis.